

# ESCANDALO DEN DISTRIBUCION DI GASOLIN: FMSA A CANCELA CONTRACT CU GANADOR DI DESTAHO PUBLICO Pa faborece otro compania liga na AVP?

Solo di Pueblo: Informacion cu a yega na mesa di redaccion, tambe comparti pa parlamentario Endy Croes, ta indica cu tin un situacion serio den desaroyo na RDA Aruba, relaciona cu e proseso pa suministra gasolin na Aruba.

Segun e informacionnan, un compania cu a sali ganador di un destaho publico pa surti gasolin na Aruba a haña cancelacion di su contrato di manera sorpresivo. Na e mesun tempo, gobierno ta desea

di inicia un desraho nobo, cu supuestamente por faborece un compania di nomber Novum.

Te awor no ta cla ken ta tras di e compania Novum, ni si tin algun relacion cu Señor Hoevert, Dowers of De Mesa, of un otro figura. Pero loke ta cla, segun e informacionnan, ta cu tin maniobra straño rond di e proseso na e momentonan akí. Di acuerdo cu e indikacionnan, e situacion ta

pidi pa Minister Dowers sali dilanti di pueblo pa duna claridad tokante loke ta tumando lugar den FMSA y pa cual motibo contract di suministro di gasolin a wordo cancela y dicon mester tene un destaho nobo.

Aki por mira cla: tin bidfixing atrobe ? Den pasado AVP tabata conoci pa practicanan di corrupcion.

# E AVION DI WARDACOSTA A LOGRA LOCALISA UN BOTO CU UN CANTIDAD GRANDI DI DROGA Y ADETENE UN TOTAL DI 5 HENDE HOMBER



**TRABOU DI MANTENCION RIBA LIÑA  
DI DISTRIBUCION HOOIBERG**  
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

**Diahuebs, 4 di december 2025  
8:30 AM te cu 2:00 PM**

Den vecindario di:

- Canashito (un parti)
- Santa Cruz (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita [www.elmar.aw](http://www.elmar.aw) pa mira e lista di adresnan afecta.

Danki pa e comprension.



**ELMAR**



# Atencion

## TUR SERVICIO DI DVG TA CERA PARTI ATARDI RIBA DIA 4 DECEMBER



ORANJESTAD, Aruba – 02 december 2025: Atraves di e anuncio aki Departamento di Salud Publico DVG ta informa cu diahuebs awo dia 4 di december 2025 tur su departamentoyseccionnan lo cera entrante 11.30 di mainta y lo keda cera parti atardi. Algun seccion cu ta

brinda servicio na publico ta entre otro:

- Veterinaire dienst
- Gele Koorts en Muskiet Bestreiding (GKMB)
- Seccion Cuido Salud Hubenil (JGZ)
- Seccion di Malesanan Infecioso (DBZ)

- Dienst Waarenkeuring en Hygiene (DWH)
- Kwaliteitsinstituut
- Gezondheidszorg Registratie

Nos ta pidi disculpa pa cualkier inconveniencia cu esaki por trece cu ne. Tur nos seccionnan lo ta habri bek riba dia 5 di december.

Pa mas informacion like nos Facebook page Directie Volksgezondheid DVG Aruba, Follow nos riba Instagram directie\_volksgezondheid\_aruba, subi nos website [www.dvg.aw](http://www.dvg.aw).



aw, yama nos na 5224200 [dvg.aw](mailto:dvg.aw) of mail nos na [servicio@](mailto:servicio@)

## PALMERA QUALITY PRODUCTS TA CONMEMORA 60 ANIVERSARIO CU UN DONACION NA FUNDACION CAS MARIE

ORANJESTAD- Dia 3 di december Palmera Quality Products ta cumpli 60 aña formando parti di economia di Aruba. E compania conoci antes como Rum Palmera a wordo funda na aña 1965 pa Yan Tai Wong y Jan Eman, tur dos den feliz memoria. E prome establecimiento tabata den Caya Grandi caminda antes La Linda tabata situa.

Na aña 2016 a cambia e nomber y logo di Rum Palmera pa Palmera Quality Products (PQP), ya cu atraves di añanan e compania a amplia su liña di productonan. Actualmente Palmera Quality Products ta produci un total di 5 liña di producto: Rum Palmera, Palmera Spirits, Palmera Liqueur, Palm Mix y Sabrosa, tur di diferente sabor. E productonan ta wordo produci cu e sabor netamente di Aruba 'A taste of Aruba'. PQP aworaki ta produci un total di 92 producto localmente,

alabes ta importa varios producto alcoholico y no alcoholico renombra mundialmente. Como compania cu ta bende productonan di alcohol PQP su lema ta pa Bebe Responsabel. Den cuadro di 60 aniversario di Palmera Quality Products a scohe pa otorga un donacion na Fundacion Cas Marie cu ta e Centro di Demencia cu ta dedica na cuido di personanan cu tin demencia. Alabes Fundacion Cas Marie ta duna informacion y brinda famianan sosten cu personanan cu sindroma di demencia. E decision aki ta bini for di un experiencia personal y cerca di e famia fundado, cu ta consciente di importancia di e cuido, guia pa e personanan cu ta enfrenta retonan cu demencia por biba un bida digno. Na mesun momento e contribucion na Fundacion Cas Marie ta un manera di yuda hopi otro famia y tambe nos comunidad en general.

E donacion ta consisti di varios articulo di importancia pa Fundacion Cas Marie y nan bishitantenan, manera computer, schommelstoel, hydroponic tower, pedal trainers, mesa di domino y materialnan pa decora un green coffee corner. E articulonnan aki ta di suma importancia pa e fundacion pa haci entre otro trabounan administrativo, pa suministra alimento sostenibel pa e bishitantenan y tambe tin articulo cu ta promove e bishitante su simulacion cognitivo, interaccion social y ta yuda cu nan movecion y movilidad, Esakinan ta areanan di importancia pa e bishitantenan por keda activo y stimula nan mente pa asina nan por sigui disfruta di un bon calidad di bida. Gerencia di Palmera Quality Products hunto cu algun miembro di personal a haci entrega di e articulonnan na Fundacion Cas



Marie den presencia di Presidente di Fundacion Cas Marie, sra. Yvonne Escalona, Coordinador Welzijn sra. Jeanine Nicolaas-Leijdens y Coordinador Actividad sr. Jean Carlo Trinidad. PQP ta desea nan hopi exito pa sigui cu nan bon trabou pa cu su bishitantenan, nan famianan y comunidad di Aruba en general. Durante mas cu 60 aña, Palmera Quality Products a contribui na economia di Aruba y ta spera di por continua cu esaki pa hopi aña mas.



# Parlamentario Edgard Vrolijk: MUZANINN WEVER TA TRAPA NOS CONSTITUCION

## Artikel 83

1. Op voorstellen tot herziening van dit Reglement zijn de bepalingen van Hoofdstuk V van toepassing.

2. De Staten kunnen te allen tijde besluiten van de bepalingen van dit Reglement af te wijken, indien geen der leden zich daartegen verzet en indien de afwijking niet in strijd is met het Statuut, de Samenwerkingsregeling Nederlandse Antillen en Aruba, de Staatsregeling of een landsverordening.

Partido FUTURO a promete den campaña di hiba un politica di transparencia pero sigur den nan programa a haci e promesa na pueblo cu lo reenforza Parlamento y unda enfoke lo ta pa respeta nos constitucion. Awe nos ta wak cu FUTURO ta haci net lo contrario unda ta actua contra constitucion, viola reglanan di bon gobernacion, no tin transparencia y ta hiba un politica di cabernicola di insulta, gaña y atakenan personal. Sigur siman pasa durante tratamiento den comision central a trapa nos constitucion.

### Kico a pasa?

Dia 19 di November 2025 a trata den comision central e ley conoci como LIM (landsverodening instelling ministers). Un ley importante cu a haya un dictum 4 cu ta un onvoldoende. Den e reunion aki ta custumber cu ta bin hunto y ta fiha fecha pa haci pregunta cu despues ta ser hinca den un documento cu nos ta yama verslag (un compilacion di preguntanan) y cu mester bin sala bek den un CC pa leg esakinan vast y pa despues nan bay pa

Gobierno pa nan contesta e preguntanan. E derecho di haci pregunta ta ancra den nos Constitucion y nos Reglamento di Ordo di Parlamento. Na e momento ey sra Muzanin Wever tabata fungi como Presidente den ausencia di sr Marlon Sneek. Su persona a bin c'un proposicion pa haci e verslag blanco, pues pa no haci uzo di bo derecho di haci pregunta. Esaki ta un desviacion y conforme articulo 83 inciso 3 di Reglamento di Ordo tur miembro mester ta di acuerdo. Pues si un miembro no ta di acuerdo, mester fiha fecha pa entrega di pregunta. Den e caso aki sra Muzanin Wever a dicidi di trapa Constitucion y no sigui Reglamento di Ordo di Parlamento y ta conclui cu e desicion pa haci'e blanco por bay cu mayoria esta fraccion di AVP/FUTURO y PPA. Esaki no ta cuadra cu e berdad! E desicion tuma tabata uno contra Reglamento di Ordo y ta trapa derecho constitucional di cada Parlamentario pa haci pregunta.

### Di dos blunder

Ora cu nos fraccion a protesta y a manda carta pa su Excelencia Gobernador, su mañan un reunion di comision central a seryama pa fiha fecha pa por haci pregunta. Sra Muzanin Wever a ser ranca na ore cu el a comete un eror y mester yama e reunion di nobo y a bise cu e no por kita derecho individual di un parlamentario pa haci pregunta c'un mayoria. Enbes di admiti su eror, el a dicidi di uza su arrogancia y su malicia politico pa bin lesa for di un documento cu nan a skirbi p'e. Den esaki el a lesa un bunita versje unda e no ta admiti cu la actua incorrecto y supuestamente el a busca conseho legal cu te dia di awe ta spirito. Nos a pidi Sra. Muzaninn muestra nos e advies legal aki y diripiente e no tawata tin'e mas.

Pero e mas insolito ta c'un biaha mas e ta bira actua contra constitucion. Dus e prome biaha no tawata suficiente, el a bolbe haci'e e di dos biaha. Asina Sra Muzaninn Wever riba su mes ta dicidi di duna menos di 12 ora na Parlamentarionan pa nan por entrega pregunta y ta sera e reunion sin



duna espacio pa debate of expresa opinion. Pues ni AVP, Futuro, PPA of MEP por a bisa algo. El a habri reunion, lesa su versje, duna tur hende 24 ora pa lesa y haci pregunta y bati martiu lanta bay. Nos Constitucion ta papia bon cla cu desicion den Parlamento ta ser tuma cu mayoria. Sra Muzaninn Wever como Presidente den Parlamento no por tuma ningun desicion riba su mes. Pues un biaha mas sra Muzaninn Wever ta actua contra constitucion y no ta realisa esaki. Ta lamentabel tambe cu esun riba cabes di Parlamento cu mester percura pa cumpli cu Constitucion tambe ta hunga di ciego y no ta percura pa rectifica e grave eror cometi.

Ta di lamenta c'un partido cu a promete shelo y tera den campaña cu ta FUTURO y awo ta

actua mescos cu AVP su actuacionan bieu di 2009-2017 cu a conduci na un disaster den gobernacion di pais Aruba. Na otro parti den Reino lo a existi retiro di Muzaninn Wever de immediatio pa e abuso di poder y actuacion contra nos Constitucion y reglamento di Ordo intencionalmente!

Pa termina ta lamenta cu ta trapa Constitucion, ta ignora Reglamento di Ordo pa sigui e agenda di Gobierno. Un ley asina importante manera un LIM cu conseho tabata negativo unda ta papia di kibra nos Constitucion y sigur un cantidad di conseho preocupante, FUTURO/AVP/PPA no kier haci ni un pregunta. Pregunta pabo ta: Dicon tanto falta di transparencia asina cu pueblo? Kico tin tras di esaki?





# Noticiadi Corte

## OTRO AÑA CONSEHO SUPREMO NA HULANDA LO TRATA CASO AVESTRUZ

ORANJESTAD – Awe Consejo Supremo na Hulanda a informa abogadonan di L.Arends, B.Sevinger y P.Sussebeek cu a dicidi cu e casacion ta sigui y a instrui Procurador General pa tuma un decision con Consejo Supremo mester evalua e caso. Despues di algun luna Consejo Supremo lo dicidi y lo fiha fecha pa tratamiento di e caso.

SOLO DI PUEBLO por a compronde cu despues di mas cu 1 año, awor ta bin claridad riba e apelacion di B.Sevinger, P.Sussebeek y M.Arends.

### SENTENCIA CASO AVESTRUZ AÑA PASA

Dia 12 Juli 2024, Hof di Corte Superior a dicta sentencia den e apelacion caso Avestruz. Hof a cuminsa cu Werleman, Nuñez y Mansur. Hof a rechaza e defensa cu a persigui nan y no otronan. Hof ta haya cu ta keda na Ministerio Publico pa dicidi kende ta persigui. Hof a bisa cu e no ta haya cu tin malversacion di Gobierno cu e terenonan cu a bende pa hopi placa. No por bisa cu nan tres no kier a desaroya nan proyectonan. Hof a bisa cu Mansur por a haya financiamiento di su famia. Hof no ta haya proba cu conhuntamente cu Sevinger a malversa Gobierno. Hof a declara Werleman, Nuñez y Mansur liber di malversacion di Gobierno.

Hof a bisa cu Harms a haci donacionnan na fundacion Curazon Berde di Sevinger. E pregunta ta si esaki por ser considera compra. Na opinion di Hof, no tin suficiente prueba cu e donacionnan ta relaciona cu dunamento di tereno. Hof a declara Harms liber di e acusacion di a compra Sevinger.

Hof a bisa cu Ministerio Publico tin oportunidad di apela na Corte di Casacion, caminda 6 Hues lo bay evalua e caso.

### SUSSEBEEK CONDENA

Hof a bisa cu nan ta haya cu Sussebeek a duna regalonan na Sevinger y labamento di placa. Hof ta haya cu Sussebeek a compra Sevinger door di laga traha heki na su cas, pone un gym y compra

drip system. Hof ta haya cu Sussebeek a haci esaki pa logra cu Sevinger lo pasa terenonan. Ta un hecho cu companianan di Sussebeek a paga pa e cosnan. Hof a bisa cu nan no ta kere cu Sevinger lo a paga bek. Hof a muestra cu den e mesun periodo, Sevinger a haya peticionnan di Sussebeek pa terenonan y Sevinger a aproba nan. Hof ta haya cu Sussebeek a laba 1.3 milyon dollar door di bende un tereno cu el a haya di Sevinger.

Pa cu e castigo, Hof a bisa cu Sussebeek a compra Sevinger pa haya terenonan. Hof ta haya esaki un asunto serio. Hof a tene cuenta cu e caso ta bieu y cu Sussebeek tabata den mal publicidad. Hof a condena Sussebeek na 30 luna (2 año y 6 luna di prison) di cual 10 luna ta condicional cu un tempo di prueba di 3 año. Hof a dicidi cu e 1.3 milyon dollar lo keda confisca.

### ARENDS CONDENA

Hof a bisa cu Sevinger y Arends conhuntamente a traha pa duna terenonan na Arends. Arends a haya terenonan sin cu e tabatin intensión di realiza proyectonan. Arends tabatin relacion politico cu Sevinger y tabatin acceso na Sevinger. Hof a bisa cu Sevinger tabata firma e peticionnan di Arends pa wordo realiza. Arends a haya un decreto ministerial pa asina haya terenonan.

Hof ta haya cu Arends a compra Sevinger pa tereno. Hof ta haya proba cu Arends a manda placa den envelop pa Sevinger. Hof a muestra riba declaracion di e testigo Roga cu a hiba e placa y a papia cu ta festia tin di tereno. Hof a bisa cu nan no ta kere Arends cu e envelop tabatin ticketnan di loteria. Hof a muestra cu Arends a keda desmenti di a manda Roga cu envelop ten a momento cu e señora di Sevinger a declara cu Roga a hiba un envelop p'e.

Hof a condena Arends na 2 año di prison di cual 1 año ta condicional cu 3 año di prueba. Hof a bisa cu e no ta mira necesidad di pone un multa manera PG a existi.

### SEVINGER CONDENA

Hof a bisa cu e ta declara Sevinger liber di a wordo compra cu e proyectonan Werleman, Nuñez, Mansur, y Harms.

Hof ta haya Sevinger culpable di malversacion y a laga su mes wordo compra. Hof a muestra cu e fundacion di Sevinger a haya placan y Sevinger a malversa placa di e fundacion.

Pa cu e castigo, Hof a bisa cu mester manda señal bon cla cu corrupcion no ta acceptable y tin castigo pisa pa esaki. Hof ta haya cu Sevinger a abusa di su posesion como minister.

Hof a condena Sevinger na 4 año di prison, di cual 1 año ta condicional cu 3 año di prueba. Tambe Hof a prohibi Sevinger pa 5 año e no por participa como politico den eleccion.

Dia 27 Januari 2026, Consejo Supremo lo tuma decision y lo haya sa ki dia lo tin tratamiento di e caso den Corte Supremo na Hulanda.

## Clasificados




**SOLODIPUEBLO@GMAIL.COM**

**CEL. 585 9500**





# E AVION DI WARDACOSTA A LOGRA LOCALISA UN BOTO CU UN CANTIDAD GRANDI DI DROGA CU A SER DESTRUI. DETENE UN TOTAL DI 5 HENDE HOMBER



Den ora nan di diabierna marduga di 28 di november, Centro Maritimo Operacional di Wardacosta a tuma nota di un boto sospechoso nabegando den direccion di Aruba.

Inmediatamente a tuma contacto cu personal di Steunpunt Aruba cu a sali cu rapidéz riba un Metal Shark pa analisa e situacion.



Simultaneamente tambe a alerta personal di e avion Dash-8 pa duna asistencia den combinacion cu un patruya di Wardacosta riba tera. Personal di KPA tambe a ser notifica di e caso pa asina tambe sali den direccion nort oost di Aruba.

E avion di Wardacosta a logra di localisa e boto den bisindario di Playa Tortuga y

inmediatamente a alerta personal riba tera y tambe riba lama. Den colaboracion cu miembro nan di Polis, Wardacosta a logra di detene un total di 5 hende homber.

Den nan tabata tin 1 Colombiano y 4 Venezolano. Tambe a confisca un cantidad grandi di droga cu a ser destrui.

## ARUBA BANK TA PRESENTA SU CALENDAR 2026 “FACES OF OUR CULTURE”

Oranjestad – 02 di december 2025 - Aruba Bank a revela cu orguyo su calendar 2026, “Faces of Our Culture,” celebrando nos hende real cu ta carga y mantene na bida e tradicionnan di Aruba.

Inspira door di un combinacion di individuanan cu ta representa pesca, baile, artesanía, cuminda, arte y hopi mas, e calendar ta honra e rikesa di nos herencia cultural.

Durante e presentacion, Aruba

Bank a duna un danki na tur modelo cu a participa pa comparti nan storia y nan amor pa cultura. Nan contribucion a demonstra nan parti autentico cu a duna amor na e proyecto.

Managing Director Rob de Ridder, a expresa su gratitud, bisando: “This calendar reflects the spirit of Aruba and the individuals who preserve our cultural identity. We thank every participant for helping bring this meaningful project to life.”



E calendar ta reforsa e compromiso di Aruba Bank pa celebra comunidad, stimula orguyo local

y preserva nos tradicionnan. E lo ser comparti cu tur nos cliente, partners y henter comunidad como un tributo na Aruba su cultura.



**organisacion hudicial di Reino tabata na Aruba**

# **ARUBA TABATA E CENTRO DI ATENCION PA WAR ROOM 2.0**



Santa Cruz, ARUBA: Den e siman di 10 november te cu 14 november 2025 a traha hunto cu specialistanan di informacion, analista y rechenan di diferente islanan den Caribe y Hulanda pa loke ta e combatimento di criminalidad cu arma di candela. E team specialisa aki ta hiba e nomber di “War Room” edicion 2.0. Den e siman intensivo a pone enfasis riba analisis di a patronchi interinsular den transporte, negoshi , posicion y uzo di arma di candela.

War Room 2.0 a conta cu participacion di diferente organisacion Hudicial

riba nivel halto den Reino Hulandes manera; E cinco Cuerpo Policial den Reino Hulandes (KPA, KPC, KPCN, KPSM, POLITIE) , RST(recherchesamenwerkingsteam), Koninklijke Marechaussee y Kustwacht Caribisch Gebied. Personal di Ministerio Publico tambe a forma parti di e team grandi aki. Na VNO tabata e conferencia y su excelencia Minister di Husticia dr. sr.Arthur Dowers hunto cu altocomisario sr. Ramon Arnhem a hiba palabra.

E War Room 2.0 ta ilustra



con e colaboracion di diferente isla y Pais ta percura pa no keda den palabracion pero ta actua y ta haci trabao di

esaki pa asina combati e criminalidad pa cu uzo di arma di candela den henter Reino Hulandes.

Pa otro aña ta trahando caba riba e edicion nobo hunto cu Caricom Impacs pa expande e colaboracion regional.

## **CAMBIA PERSPECTIVA TOCANTE OBESIDAD: SA BO NUMBER Y MIDI BO PESO**





# ULTIMO DIA DI CALIDAD PA 2025 NA HOH INTERACTIVO CU HOPI INFORMACION NOBO



Recientemente team di calidad y siguridad di Horacio Oduber Hospital (HOH) a tene e ultimo “Kwaliteitsdag” pa su empleadonan. Banda di salvaguardia e calidad, e departamento aki t’ey pa yuda tur colega pa

continuamente mehora aspectonan di calidad den cuido medico y servicio pa medio di training, curso, seminario of haciendo uzo di un of otro “tool. Pa aña 2025 a organisa un total di cuater ‘kwaliteitsdag’ cu meta pa atrae tur trahado di



HOH, sin importa funcion, pa siña y intercambia cu otro aspectonan cu por trece mehoracion den calidad di cuido, crea mas conscientisacion y pa siña di otro. E ultimo ‘kwaliteitsdag’ a cay riba dia mundial di calidad pues un dia perfecto pa clausura e aña 2025.

Gillian Jie, Manager Kwaliteit en Veiligheid, a bisa cu e “dianan di calidad” di e aña aki tabata enfoca riba crecemento, colaboracion y conscientisacion, tur cu e meta di hisa calidad y siguridad na HOH. Semper tin erornan humano pero loke ta importante ta pa comparti sin miedo y asina por bay na e origen y busca solucionnan manera mehoracion di e sistema, of cambio of mehoracion den e procesonan y protocolnan. HOH ta traha continuamente pa fortalece e fundeshi di cuido a traves di programanan di calidad importante manera e Joint

Commission International Accreditation Program (JCI) y e transicion pe sistema nobo di e dossier electronico di pashent cu ta carga e nomber HiX.

Durante e di cuater edicion a conta cu diferente presentacion, entre otro tocante situacionnan di calamidad cu ta crea oportunidad pa mehoracion, trainingnan nobo cu HOH-Academy ta ofrece y tambe un sesion interactivo di un caso real. Alabes a presenta medidanan di mehoracion basa riba reportenan interno haci pa empleado. Di e forma aki hunto coleganan ta siña y crece pa crea un cultura di calidad fuerte cu ta permiti un y tur duna un cuido cada bes miho y mas sigur.

Yuri Casseres, miembro di Hunta di Directiva HOH, a expresa cu e “kwaliteitsdag” ta importante pasobra calidad ta un di e pilarnan

di hospital. “Calidad ta hunga un rol fundamental den e cuido di cada pashent pasobra cada pashent ta central. Tur hende cu ta traha rond di e pashent mester tin calidad como prioridad. Ela indica cu ta esencial pa duna atencion y tempo pa dedica na e topico aki pa continuamente trece mehoracion den calidad y siguridad den HOH.”

Finalmente Gillian Jie a gradici su team pa nan trabou duro, paso sin nan compromiso y dedicacion, e cuater dianan di calidad pa coleganan di HOH no lo tabata posibel na 2025. Ela gradici tambe e directiva di HOH, cu a sostene e iniciativa aki y ta haci posibel pa e empleadonan por tuma e tempo cuater biaha pa aña pa hunto scucha, reflexiona y construi e cultura cu ta haci HOH cada dia mas fuerte pa bienestar di henter comunidad.



# SANTA ROSA KIER AVISA CU DURANTE TEMPORADA DI YOBIDA, TIN E PROBABILIDAD CU LO POR NOTA E PRESENCIA DI E GIANT AFRICAN SNAIL, DEN ALFUN AREA NA NOS ISLA

Di 2011 gobierno di Aruba ta na altura cu e Giant African Snail (GAS) ta akinan. DLVV por medio di email a ricibi confirmacion di Dr. Robinson, malacologist, awendia retira di United States Department of Agriculture (USDA), di e tres conchanan cu DLVV a mand'e. Ariba un boletin di media social Departamento di Agricultura, Cria y Pesca (DLVV) a tuma nota di mencion di presencia di GAS awor cu awa ta yobe. Slaknan por lo general, pa sobrevivi segura, ta estiva, esta bai den dormancia anto ora cu humedad aumenta, manera awor, bolbe bira activo. DLVV kier conscientisa hendenan cu mira e GAS pa awor pikinan cu un man cubri cu un saco di plastic sin buraco anto herbenan mata. E resto, cu ta comestibel, despues por composta of cria cacho of pushi cu'ne. Sin embargo DLVV kier pa hendenan tuma bon nota di GAS su carecteristicanan pa evita mata slak indigeno pasobra Aruba tin 18 sorto. Un GAS por bira hopi grandi, te 1 kg, su carni por varia di color di crema te bruin scur. Dr. Roda di USDA den un webinar cu DLVV a atende na 2022 a mostra ariba e diferente "color morph" cu e GAS por tin. Asina esun cu e estado di Florida, Merca, a combati na añanan 60 tabata hopi scur den su cuero y concha. Esun na 2022 haya tin un cuero hopi cla y su concha tambe ta hopi cla strepia bruin. E GAS por pone di 100 pa 500 webo den un solo biaha. Su webonan ta rond pa ovaal, ongeveer 5 mm den largura, di color crema te geel. E concha ta conico, tin mas cu 7 draai y por midi te 30 cm pero normalmente ta 5 pa 13 cm. E slaknan di Aruba por lo general sa ta mas chikito cu 5 cm. Asina mes ora e GAS ta recién naci e por ta dificil di distingui di e esun di Aruba. Por

lo general GAS ta esun cu hende lo haya den areanan urbano debi cu e construccion lo a elimina esun di Aruba.

## Recomendacion

DLVV ta conseha herbe of vries mata. Pa vries ta recomenda seranan den dobbel saco di plastic y pone un dia largo pa sigur. Dal nan mata por spat nan webonan rond cu e consecuencia cu mester keda vigila e spot pa ora e webonan broei despues di dos pa tres siman. Aplicacion di quimico pa deshaci di GAS tambe sa resulta cu nan ta pone webo prome cu nan muri. Aserca ta bin cu mester vigila unda nan ta pa tira e quimico. Despues keda pendiente cu cacho of mucha no ta mishi cu e quimico. Anto ora awa yober mester bolbe tira. P'esey DLVV su conseho. Usa salo pa deshaci di GAS tin e problema cu e cantidad di salo lo depende ariba e cantidad di peso di GAS. Aserca ta bin cu e salo ta bira un probabel contaminacion pa e suelo den cua lo deshaci di e GAS morto. Importante tambe ta pa hende evita transporta tera unda a haya GAS. E motibo ta cu e lo por contene webo di GAS y lo bira un manera di infecta otro areanan. Asina DLVV aña pasa a pidi un cliente pa hiba su matanan back pasobra e potchinan tabata contamina cu GAS. Principalmente awor cu hopi ta haci cura limpi pa ricibi bishita di Pasco, mester mira bon cu e resto no ta contene slak.

## Caribe

GAS ta dificil pa elimina. Asina Florida na 2020 a declara su mes liber di GAS, despues di 9 aña di combati'e pa na 2022 bolbe hay'e. Rosimar Morales di USDA-Animal and Plant Health International Service Plant Pest Quarantine Puerto Rico a elabora ariba con



nan a sondea pa e GAS enbista cu otro nacionnan den Caribe cerca di Puerto Rico a raporta su presencia. Nan a inspecciona na 330 lugar di cua 321 no tabata tin incidente. Esunnan cu nan a haya nan a tene un 200 m di radius di centro cu nan a inspecciona intensivo y 400 m di radius di buffer cu nan a inspecciona ariba bista solamente. Ora nan a haya e slak nan a combati esaki te saca vegetacion cu suelo y incinera esakinan. Jason Stanley di Florida Department of Agriculture and Customer Services tambe a muestra ariba e teamnan di cacho cu tabata sali pa detecta si por tin GAS y teamnan cu tabata traha anochi ora cu e GAS tabata sali. Pa deshaci di tera y vegetacion contamina nan tabata colecta esaki den dobbel saco di sushi y deshaci na landfillnan asigna.

Na Aruba ta un so tin y apenas e tin un incinerador. Mescos Bret Taylor senior agriculturalist Officer, Ministry of Agriculture Food & Nutritional Security di Barbados a participa cu su ministerio a ofrece lokaas, metaldehyde, por nada na habitantenan pa combati e GAS. Nan a conduci bioassays pa evalua e quimico cu mihor ta caba cu e

slaknan y abou di cua tempo e ta mas efectivo. Asina Barbados di 2009-2013 a ofrece bounty pa cada slak morto y a destrui 392 ton. Ariba un slide DLVV por a mira con hende a coba un pit 30 cm hundo anto cubri hopi slak cu hopi palet pa kimanan. Ora awa a yobe e pit a yena cu awa. Laga cu net esey ta e periodo cu e slak ta bira activo. Ainda e GAS ta persisti na Barbados. Dr. Janil-Gore Francis di Antigua & Barbuda na 2008 pa Antigua & Barbuda a reporta presencia di GAS na IPPC pasobra e ta un "notifiable pest". Te awe ainda GAS no a pasa pa Barbuda. Dr. Francis a muestra ariba e corelacion di GAS cu e tempo.

Asina na Antigua durante segura ta colecta 160 slak pa ora mientras den temporada di yobida e ta 500. Nan a conduci un Impact Assessment survey di November 2021 pa Juni 2020 cu a mostra cu e average di e gasto pa luna ta 140 US\$. Curaçao a menciona cu di 2016 tin e. Banda di e GAS Dr. Roda tambe a menciona otro 3 slaknan famia di Achatina cua, Dr. Albert Mead segun Dr. Roda, ta predecir cu e Limicolaria aurora lo bira un peste mas grandi. Ya tin lugarnan unda ela reemplaza e GAS.



**AVP ta felicita e organisacion cu su 55 aniversario:**

# **FAMIA PLANEA ARUBA TA UN PILAR ESENCIAL PA SALUD Y BIENESTAR DI COMUNIDAD**

ORANJESTAD (2 di december 2025) - Na number di e miembronan di fraccion di Partido di Pueblo Arubano (AVP), ta expresa nos mas profundo respet y admiracion pa Famia Planea Aruba cu ta celebra su 55 aña di labor na beneficio di nos isla. Durante cinco decada y mey, e organisacion aki ta un pilar fundamental pa promocion di salud sexual, derechonan reproductivo y bienestar integral na Aruba.

Famia Planea Aruba a demostra su compromiso continuo pa duna acceso igual na informacion, educacion y servicio relaciona cu sexualidad, planificacion di famia y salud reproductivo. Nan mision—pagarantisacutur persona por haya servicio, orientacion y educacion sin discriminacion — ta refleha den tur tayer,

consulta personal, sesion di orientacion y conseho disponibel pa hoben, adulto y famianan.

Durante 55 aña, Famia Planea Aruba a amplia su alcance pa sirbi como un centro integral di salud sexual y bienestar. Awendia nan ta ofrece educacion sexual comprensivo, orientacion personal, acceso na metodonan anticonceptivo, atencion di salud reproductivo, guia pa programanan escolar, conseho di salud sexual y un plataforma di consulta online disponibel pa duna informacion sigur y confiabel.

E impacto di nan trabou riba comunidad Arubiano no por nenga. Muchanan, famianan y generacionnan henter a haya informacion cla y sosten den un area cu hopi biaha por ta tabu.



A traves di sensibilisacion, educacion y accesibilidad, Famia Planea Aruba a contribui no solamente na bienestar di individuonan, pero tambe na fortaleza di famia, prevencion di embaraso no desea y promocion di responsabilidad social. Nos ta expresa tambe nos agradecimento profundo pa Famia Planea Aruba

su Directora Sra Evelyn Ras-Yarzagaray y su ekipo, directiva y personal. Fraccion di AVP ta reafirma cu nan ta para pa e trabou di FPA, y lo sigui para na banda di organisacionnan cu ta sirbi e comunidad cu dedicacion y integridad.

Pa AVP ta un honor reconoce e balor social cu Famia Planea Aruba

tin, y nos ta reafirma nos compromiso pa sigui defende organisacionnan di obra social cu ta laga un impacto real den bida di nos hendenan.

Nos ta felicita Famia Planea Aruba di curazon cu nan 55 aniversario y ta desea nan hopi aña mas di exito y dedicacion.

## **POLIS A BAY ATENDE CU CHAUFFEUR CU NO TAWATA "REACCIONA"**

Solito - Dialuna anochi polis a bay un bar restaurant na Solito, pa un persona cu lo no ta reacciona.

Algo pasa di 10'or y mey polis ta yega e establecimiento y pafo den un v-car un persona drumi.

Polis a bati y e persona a reacciona, e tawata bibo. Ta asina cu e homber aki tawata bou influencia y tawata musta cu polisnan a lage saca su pertencianan y duna un lift.

Pa unda no ta conoci, debi cu si ta pa warda hopi biaha ta usa transportwagen.





# INSCRIPCION AINDA TA HABRI PA TUR MUCHA CU TA BAY CUMINSA KLEUTER E PROXIMO AÑA ESCOLAR 2026 - 2027

Oranjestad, Aruba: Bo yiu a haci of ta bay haci 4 aña? Esaki ta un bon momento pa cuminsa pensa ariba cua scol bo kier pa e bay. SKOA ta brinda un variedad grandi di scolnan kleuter den tur districto riba nos isla. Mayornan por bishita nos website pa asina wak tur e scolnan y scohe esun miho pa nan yiu(nan).

E curiculo di kleuter ta multilingual, caminda e mucha lo haya un bon base di lenguahe for di keluterklas. Ademas e curiculo tambe ta cubri mas di 10 diferente area di desaroyo pa nos muchanan. SKOA su meta ta pa enfoca ariba e desaroyo y

crecimiento di cada mucha y ta pone como prioridad pa mantene e calidad halto di educacion den tur su scolnan.

Con bo por inscribi na SKOA? ☐ Pa mayornan cu no tin yiu inscribi na SKOA, por inscribi pa kleuter via nos website [www.skoa.aw](http://www.skoa.aw) completamente online.

Ora di haci inscripcion mester pone bon atencion ariba e documentonan cu ta necesario pa asina por cumpli cu e proceso di inscripcion di bo yiu. Mayornan cu inscribi nan yiu ta haya un periodo di 6 siman pa asina por cumpli cu

e pago completo di schoolgeld pa e aña escolar venidero. Despues di 6 siman, si e pago no ta completo, e cupo di inscripcion ta wordo cancela cu consecuencia cu no lo bay tin un luga segura na un scol pa e yiu por cuminsa kleuter e proximo aña escolar.

Pa pregunta of informacion tocante inscripcion na SKOA por manda un email na [aplicacion@skoaw.aw](mailto:aplicacion@skoaw.aw) of manda un WhatsApp na



+297 7485995. Mayornan cu ta desea por pasa libremente na nos oficina pa inscripcion.

Pacualkier otro pregunta

of informacion tocante inscripcion en general na SKOA por bishita nos website [www.skoa.aw](http://www.skoa.aw) of por yama na liña directo 5231800.

## Cede di BBQ Cushina di Nestor

Diadomingo 7 di dec.

### Menú


Ham di pasco  
1/2 galinja jena  
Roast beef mushroom sauce  
Lomito mushroom sauce  
Bbq mix  
Galinja  
Loinribs  
Lomito  
Pincho  
Special  
Salada batata  
Aros con pollo

**Pa pedido por jama  
riba 7497071.**

Of pasa na Siribana 45b St Cruz.

Nos kier desea un y tur un  
felis dianan di fiesta

## CROSSWORD WORD SEARCH PUZZLE



### ACROSS

3. an account of imaginary or real events that is told as a form of entertainment
4. to make a book available to the public
7. complete or full; "I finished the \_\_\_\_ book."
8. graphic novels are longer than \_\_\_\_ books
11. a place where books are available for people to use or borrow
12. sounds or combinations of sounds that have meaning and are spoken or written
14. a person who likes to read books and who spends a lot of time reading
18. one of the parts that a book is divided into; each part has a number, and sometimes a title
20. a person in a book
21. the name given to a book to identify or describe it
22. the last 2 words of a story is often "The \_\_\_\_"
23. a type of book that contains a long written story usually about imaginary characters and events
24. to look at and understand the meaning of letters & words, etc.

### DOWN

1. printed sheets of paper that are held together inside a cover
2. a book that describes a crime and the process of solving it
4. a series of events that form the story
5. people who are admired for great or brave acts or fine qualities
6. a character in a story who does bad things
9. the outer part of a book
10. a book that is liked more than others
13. a piece of furniture with shelves to hold books
15. one side of a sheet of paper in a book
16. written stories about people and events that are not real
17. a piece of writing that can be performed on a stage; often referred to as a play, it tells a story almost entirely through dialogue (what the characters say)
18. select or pick a book; "\_\_\_\_ a book to read."
19. the writer of a book



# MOTOR UNIT DI ARUBA ENTRENANDO POLIS DI CORSOU



Santa Cruz, ARUBA: Recientemente Unidad Motorisa di Cuerpo Policial Aruba a haya bishita di coleganan di Cuerpo Policial Corsou (KPC).

Esaki ta den cuadro pa forma y specialisa e team nobo di Unidad Motorisa di Corsou.

Polis di Aruba a organisa algun dia di curso di informacion, p r o c e d u r a n a n , entrenamiento operacion, mantenimiento pa coleganan di Corsou.

Despues di esaki a haci

varios ehercicio practico di tanto coremento di e brommer tambe coremento policial specialisa di e brommer.

Na final e coleganan di Corsou a pasa serca altocomisario Ramon Arnhem na unda a gradicie pa e oportunidad di por a haya e guia di Unidad Motorisa di Aruba.

Cuerpo Policial Aruba ta keda traha hunto cu nos islanan ruman pa asina estrecha e lasonan y union den e

Cuerponan Caribense.

**LEY CU TA LIMITA UZO DI PRODUCTONAN DI TABACO**

**PROTEHANDO SALUD PUBLICO**

**6** Ta prohibi pa vende of duna productonan di tabaco na personanan bou di 21 aña

**SOLO** ARUBA LIBER DI TABACO **HALA ROSEA LIBREMENTE**



# COCOLISHI NOBO PA ARUBA TA HIBA E NOMBER DI CAQUETIO



Un descubri un cocolishi nobo den e awanan di Aruba. Malakoloog Leo Ros a haci entrega oficial awe na Prome Minister di Aruba, di e cocolishi nobo aki, cu awo ta carga e nomber Caquetio. Debi na e interes genuino cu premier tin pa e estudio marítimo aki, a haci entrega di un reconocimiento na su persona y nombracion di e descubrimiento di cocolishi Caquetio. Durante bishita, Prome Minister Eman a ricibi un copia firma di e publicacion “The Archaeology of Aruba: The Marine Shell Heritage”, caminda ta muestra nan gradicimento sincero

A comparti informashon importante tocante especie nobo endemico di cocolishi marino, cu recientemente a wordo nombra na honor di e tribu Caquetio—e habitante original indigena di Aruba. E siguiente informashon ta referi na e especie nobo: Voluta Caquetio Berschauer & Ros, 2025

Distribucion:  
Especie endemico den costa west di Aruba, e banda pabou di costa, caminda su habitat ecologico natural ta wordo sosteni.

Ecologia:  
E especie di cocolishi marino aki por wordu haña den awa serca di costa entre 2 te 9 meter di profundidad, riba fondo di lama of bou di coralnan, scondi den santo bou di coral kibra, of entre yerba marino Thalassia testudinum (K.D. Koenig, 1805).

Etimologia:  
E nomber ta dedica na e

Indjan Caquetio, e pueblo indigena di Aruba y banda noordwest di Venezuela. E Caquetio tabata ocupa Aruba pa milenio, y e cocolishi a representa un recurso natural importante integra den nan cultura (Dijkhoff & Linville, 2004).

E nomber ta un relaciona /referi directo na tribu Caquetio.

Nos ta contentu cu e investigadonan ta sigui contribui na conosimento y educacion tocante e cocolishinan marino y nan ambiente den e bunita isla di Aruba, ta locual cu Leo Ros a indica.

Franchelle Lacle,

consehero pa Bureau Naturalesa y Medio Ambiente, tambe a duna un splicacion breve riba e bishita cerca Prome Minister Eman awe. Interes pa e parti marino a hiba na descubrimiento di un cocolishi cu ta unico pa Aruba (endemico na Aruba).

Durante un bishita den luna di mei, a otorga Mr. Ros un buki caminda e por a sigui e historia di cocolishi den nos area y un indicacion via arkeologonan, riba e uzo di cocolishi antes riba nos isla. Di aki a surgi e nomber di e cocolishi cu recien a keda descurbi.

**Clasificados**

SOLODIPUEBLO@GMAIL.COM  
CEL. 585 9500

SOLO Di Pueblo

## TA BUSKA

PA HIUUR  
UN CAS CHIQUITO  
OF APARTMENT AMPLIO

**5972155**



# Atendencia halto den tur bario

## 204 HABITANTE A ATENDE E REUNIONAN DI

### POLIS DEN BO BARIO PARIBA DI BRUG

San Nicolas, ARUBA: Den e ultimo tres lunanan cu a pasa Polis di Bario di Distrito di San Nicolas a tene diferente reunion den diferente bario pariba di brug.

A cuminsa na San Nicolaas dia 10 di september 2025 sigui pa Savaneta dia 22 oktober 2025 y a termina na Pos Chikito dia 12 november 2025. E team di bario a pasa tur bario parti panfleta pa asina invita e bario pa asisti na e reunion di bario.

Den total di 204 habitante a atende e reunion y a trece diferente tips, sugerencia- y preocupacionnan cu ta sosode den e barionan pariba di brug.

Locual a resalta durante e reunion di bario tabata entre otro;

Molester di auto y brommer cu ta core duro, haci desordo (overlast) cu mufler kibra,

cacho cu ta cana los y ta bira molester, sushi cu ta wordo tira den bario,

matanan of yerba cu ta crece band'i caminda, falta di iluminacion,

Casnan bandona cu ta wordo ocupa pa adicto



ambulante, Musica duro cu ta sali for di establecimiento,

Hopi peticion pa verkeersplateau (polis drumi)

cacho cu ta mata cabrito y carne di cunukeronan,

Persona cu ta haci desordo pafor di establecimiento,

tambe personan cu ta mentalmente instabil.

Esakian tabata un di e puntonan cu mas a resalta na tur e reunion di bario di parti e habitante.

E habitantenan cu a asisti na e reunion di contacto a keda hopi contento cu ta organisa reunion pa scucha habitantenan y ta pidi pa esaki sosode mas



frecuente.

Tambe e departamento di F.C.C.A., D.I.P. Y B.C.I. (Bureau City Inspector) tabata presente pa contesta pregunta y preocupacionna, Scol pa Polis tambe a forma parti di e anochinan informativo pa esnan presente cu tabata kier informacion pa solicita pa polis. Cuerpo Policial Aruba conhuntamente cu Polis

di Bario San Nicolaas ta gradici tur cu a presenta na e anochinan

informativo y como tambe e departamentonan encuestacion


**Clasificados**





**SOLODIPUEBLO@GMAIL.COM**  
**CEL. 585 9500**





BRIYANDO FUERTE • TRECIENDO CLARIDAD

**Tipline: 585 9500**  
e-mial: [solodipueblo@gmail.com](mailto:solodipueblo@gmail.com)



# Mas cu 400 pickup den Baki den Bario na Ayo



Diasabra mainta tempran e comunidad a responde na e yamado di accion di limpieza di Baki den Bario. Un accion cu tin algun tempo caba tumando luga pa asina cumpli cu e compromiso di limpieza di nos isla.

Prome Minister mr. Mike Eman hunto cu e departamento y e instancianan concerni tabata presente na Centro di Bario Ayo caminda e accion di Baki den Bario a tuma luga. E tabata un

placer enorme di por mira e respaldo cu e accion aki ta ricibi den comunidad, ta locual Premier Eman a indica.

Gradecido na e cooperacion cu a riba for di dirigentenan di Centro di Bario Ayo, na e vecindario completo cu e respalda e accion y a bin deposita na desperdicio. A haya oportunidad di combersa cu algun habitante cu a yega den ora tempran di mainta, y indica cu e accion aki ta un inciativa tremendo pa Aruba.

Hopi ta pendiente di cada anuncio di localidad di Baki den Bario pa asina nan por prepara cu simannan di anticipacion, piki tur desperdicio y asina probecha di e accion aki pa deshaci di tur locual cu por durante e accion.

Premier Eman a probecha e oportunidad di gradici tambe tur ta forma parti di otro actividad manera Ban Bek Caya, cu tabata un record absoluto. E esfuerzo di cada ministerio y departamento, conhuntamente cu esun di Turismo y esun di Economia, cu ta haci nan maximo pa cada evento ta uno exitoso, ta di aplaudi. Comercio a haya un bon empuhe y comunidad a responde grandemente pa e actividad di Black Friday.

Fin di siman tabata uno bastante ocupa, varios invitacion caminda acompaña cu mi esposa Doina, nos tabatin e honor di a presencia condecoracion di e Primera Damanan di Noord. Un evento cu a tuma luga na Sero Janchi, caminda a refleha e sentido di comunidad, orguyo profundo di e bario di Noord. Señora Rosa Boekhoudt cu a dirigi e ocacion, na famia Kelly pa e recepcion y na tur e otro Damanan di diferente otro bario presente cu a haci di e anochi aki, uno hopi bunita.

Pa locual ta trata e siguiente accion di Baki den Bario, pronto lo anuncia e proximo localidad. Premier Eman a



indica cu durante dianan e oportunidad pa logra di fiesta lo aumenta e deshaci di mas desperdicio fechanan di e accion pa prosibel, mirando cu ta den asina brinda e comunidad temporada di fiesta.

## Dia 8 di december ta e ultimo dia pa entrega e declaracion di inkomstenbelasting 2024

E termino di 2 luna extra ta caduca

ORANJESTAD – Departamento di Impuesto ta informa cu dia 8 di december 2025 ta e ultimo dia pa entrega e formulario di declaracion di inkomstenbelasting 2024. E extension di termino (uitstel) cu 2 luna pa esnan cu no a logra entrega nan formulario dia 1 di october 2025, ta caduca y lo no tin mas extension, pa asina mantene e ritmo di trabao cu Departamento di Impuesto a stipula pa procesa restitution.

Entrega e declaracion di inkomstenbelasting ta un obligacion legal. Door di entrega e declaracion segun instruccion di ley, e contribuyente ta evita cu e ta haya un cobranza (taxativo) cu boet. Ademas pa medio di e declaracion, e contribuyente ta haya e oportunidad pa haci uzo di su derecho di deduci su gastonan. Por entrega e declaracion di inkomstenbelasting 2024 na oficina principal na Camacuri durante e siguiente

orarionan di trabao: 7.45 – 11.30 y 1.15 - 3.30. Ta conseha e contribuyente pa saca un copia di e declaracion prome cu entrega esaki pa su mesun administracion.

Pa mas informacion por tuma contacto cu Departamento di Impuesto na e siguiente numbernan di telefon: 522 7423 of 522 7424. Contribuyentenan por sigui tambe e noticianan oficial di e departamento riba Facebook: <https://www.facebook.com/impuestoaruba/> of via [www.impuesto.aw](http://www.impuesto.aw) pa asina keda bon informa.



Paardenbaaistraat 10, Oranjestad, Aruba Tel.: (297) 525 - 7555  
[www.lottoaruba.com](http://www.lottoaruba.com)  
Resultado: Sorteo di Merdia - December 02, 2025

|                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              |                                                                                                                                                                                       |                                                                                                                                                                     |                                                                                                                                                                                                                                                                                                                              |                                                                                                                                                                                            |
|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------|
| <br>Sorteo # 4821<br><b>6351</b><br><b>2063</b><br><b>5723</b><br><br><b>X3</b><br><br>Sorteo # 4821<br><b>5037</b><br><br><b>X3</b><br><br>Sorteo # 2877<br><b>3714</b><br><br>Sorteo # 4821<br><b>0214</b><br><b>Sagitario</b><br><br>Sorteo # 1695<br><b>509</b><br><br><b>X5</b> | <br>Sorteo #<br>0 x Jackpot<br>0 x Match 4+<br>0 x Match 4<br>0 x Afl. 12,00<br><b>380.000,-</b> | <br>Sorteo #<br>0 x Jackpot<br>0 x Match 4<br>0 x Afl. 8,00<br><b>54.000,-</b> | <br>Sorteo #<br>0 x Jackpot<br>0 x match 4<br>0 x Afl. 500,00<br>0 x Afl. 50,00<br>0 x Afl. 15,00<br><b>290.000,-</b><br><br><b>Afl. 390.000,-</b> | <br>Sorteo #<br> |
|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------|



SOPI DI LETRANAN

Baby Shower Sopa de Letras



- ZAPATITOS
- TOALLITA
- EMBARAZO
- ANTOJOS
- ABUELOS
- PELUCHE
- BIBERON
- BEBITA
- AMOR
- NENA
- PAPA
- MAMA

S O T I T A P A Z Z  
V B E B I T A H G I  
A T I L L A O T O N  
Q N S U A M T N Z E  
P B S O J O T N A N  
S A M A M R V A R A  
E H C U L E P P A U  
B I B E R O N A B Y  
L G Z A G H A P M Z  
G S O L E U B A E S

SUDOKU

|   |   |   |   |   |   |   |   |   |
|---|---|---|---|---|---|---|---|---|
|   |   |   |   |   | 7 |   |   | 9 |
| 3 |   |   | 2 |   |   |   | 7 | 6 |
|   | 5 | 6 | 8 | 4 |   |   |   |   |
|   |   | 2 | 9 |   |   |   | 3 |   |
|   |   |   | 7 |   |   |   | 1 |   |
|   | 4 |   |   |   | 8 |   |   |   |
| 5 |   | 3 |   | 8 |   | 1 |   |   |
|   |   |   |   |   |   |   |   | 8 |
| 2 | 9 |   |   |   |   |   |   |   |

Sudoku # 1011

|   |   |   |   |   |   |   |   |   |
|---|---|---|---|---|---|---|---|---|
|   | 7 |   | 4 |   |   |   | 5 |   |
| 3 |   |   | 7 |   |   |   |   |   |
| 6 |   | 4 |   |   |   | 8 |   |   |
| 8 |   |   |   |   |   | 2 |   |   |
|   | 3 |   |   |   |   |   | 4 | 6 |
| 9 |   | 7 |   |   | 6 |   |   | 8 |
| 2 |   |   |   |   | 4 | 1 |   |   |
|   |   | 5 |   |   | 8 |   | 3 |   |
|   |   |   |   | 2 | 7 |   |   |   |

Sudoku # 1012

|   |   |   |   |   |   |   |   |   |
|---|---|---|---|---|---|---|---|---|
|   |   | 1 |   |   |   |   | 6 |   |
|   | 4 |   | 9 |   |   |   |   | 2 |
|   |   |   |   | 7 | 3 | 4 |   |   |
| 1 |   |   | 3 |   |   | 7 | 5 |   |
|   | 3 |   |   |   | 2 |   |   | 9 |
| 5 | 9 |   | 1 |   | 6 |   |   |   |
| 8 |   |   |   | 6 |   |   | 3 |   |
|   |   |   | 5 | 9 |   |   |   | 1 |
|   |   |   |   |   | 4 |   |   |   |

Oracion di dia

Un feliz dia fructifero colma  
cu hopi gracia di Dios.

'Ningun hende no por bini cerca Mi, si mi Tata cu a manda Mi no  
ha'e  
cerca Mi'. (Huan 6, 44)

Cristo ta bisa cu ta via di Dios so un hende por yega cerca djE.  
Mescos tambe den e lectura ta pa medio di un angel di Dios Felipe  
a

topa cu e africano. Cristo mes ta splica cu E ta e pan cu ta duna  
biba. Esaki ta nifica cu nos tin di sigui busca Cristo pa medio di  
oracion, pa medio di lesa Bijbel, cumpli cu e 10 mandamentonan,  
haci

bon obra, haci sacrificio y scucha e Palabra di Dios. Busca pa por  
conoce e Palabra di Dios, laga Pastoornan y Diacononan splica e  
Palabra di Dios ja asina nos por yega cerca di Dios y Cristo Hesus.

Felipe a splica e homber di Etiopia e loke e tabata lesa di profeta  
Isaias y ora el a compronde el a wordo batisa mesora. Rumannan  
nos tin

di sigui y busca e pan cu ta duna bida cu ta Cristo. Haciendo esaki  
nos tin sigur di haya bida eterno.

Oracion: Dios Tata laga Spirito Santo inspira nos pa nos por sigui  
busca e pan cu ta duna nos bida cu ta Cristo.  
Amen.



# MINISTER WENDRICK CICILIA CONTENTO PA ANUNCIA LATAM AIRINES AWO CU VUELO PA Y FOR DI BOGOTA



Oranjestad— Dialuna 1 di december a habri cu bon noticia di parti di LATAM Airlines, awo comunidad Rubiano tin mas escogencia pa biaha pa Bogota. “Awe, e esfuerzo y trabou cu nos a haci durante nos bishita na Bogota algun luna atras ta duna su fruto positivo pa Aruba”, asina Minister

di Turismo mr. Wendrick Cicilia a bisando.

Minister Wendrick Cicilia conhuntamente cu CEO di A.T.A. Ronella Croes y Business Development Executive di AAAe Jo-Anne Arends a anuncia cu awo LATAM Airlines ta aña 3 vuelo pa siman for di Aeropuerto El

Dorado, Bogota. E logro aki ta importante pa loke



ta trata e strategia di diversificacion pero tambe pa e localnan cu kier conecta cu Colombia.

E ruta nobo aki di Bogota-Aruba Aruba-Bogota ta un esfuerzo colectivo di diferente partnernan den turismo. “Nos ta sigui

impulsa e diversificacion di turismo na Aruba. E ruta Bogota-Aruba di LATAM Airlines ta fortalece e conectividad di Aruba y ta expande nos alcance den e region”, asina Minister di Turismo mr. Wendrick Cicilia a finalisa bisando.

## TA BUSKA

PA HIUUR UN TERRENO  
CHIQUITO PA PONE  
UN TRAILERHOUSE Ariba

**7461414 / 5972155**

## TA BUSKA

PA HIUUR UN APARTMENT

**5924808**

## TA BUSKA

PA HIUUR UN LOCALIDAD  
PA CUSHINA

**5924808**